



ONDASUN HIGIEZINEN GAINEN ZERGA ARAUTZEN DUEN ORDENANTZA FISKALEAN AURREIKUSITAKO HOBARIAREN APLIKAZIOA ARAUTUKO DUEN ERREGELAMENDUA

OHARRA: Dokumentu hau informazioa emateko helburuarekin eginda dago. Aldizkari ofizialetan argitaratutako testu onartuek bakarrik dute balio legala

Onartuta: Udalbatzak 2014/01/20an

Argitaratuta: Gipuzkoako Aldizkari Ofizialean 2014/03/06an

ONDASUN HIGIEZINEN GAINKO ZERGA ARAUTZEN DUEN ORDENANTZA FISKALEAN AURREIKUSITAKO HOBARIAREN APLIKAZIOA ARAUTUKO DUEN ERREGELAMENDUA

Aurrekariak

Ondasun higiezinaren gaineko zerga arautzen duen 2014rako ordenantza fiskalean honako hau jasotzen da:

D) Zerga honen kuota %75eko hobaria izango dute hirilur eremuan dauden eta Katastroan garaje edo parkin erabilera duten finkek, ibilgailuak garajeetan sartzeari helburu duen Erregelamenduak xedatutakoa betetzen bada eta baldintza hauek ere betez gero:

-finka horietan sartzeari ibilgailuek izan behar dute turismoak edo ibilgailu mistoak.

-ibilgailuaren titularra eta garajearen edo parkinaren titularra pertsona bera izan behar dira.

-titularrak ez badira pertsona bera, ibilgailuaren titularra erroldatuta egon beharko da garajearen edo parkinaren titularrarekin batera etxebizitza berean.

-finka horietan sartzeari ibilgailuen zerga helbidea Bergarako izan behar da.

-ibilgailuaren titularra eta garajearen edo parkinaren titularra, biak, Bergaran erroldatuta egon beharko dira.

-ibilgailuak garajeetan sartzeari helburu duen Erregelamenduak xedatutakoa bete dela konprobatu ondoren, zerga honen kuotaren %75eko hobaria itzuli egingo da. Itzulketa egingo da zerga honen erreziboaren hurrengo ekitaldian.

-ibilgailuak garajeetan sartzeari helburu duen Erregelamenduan arautuko dira hobari honen eta egitasmo honen gainerako gaiak.

-egoera hauek guztiak zergaren sortzapen egunean bete beharko dira.

Beraz, erregelamendu hau egiten da hobari horren aplikazioa arautzeko.

1. artikulua

Ibilgailuak garajeetan edo parkinetan sartzeari bultzatzeko helburuarekin, ondasun higiezinaren gaineko zerga arautzen duen ordenantza fiskalean aurreikusitako hobariaren aplikazioa arautzea da erregelamendu honen helburua.

2. artikulua

Hobaria aitortzeko, une bakoitzean ordenantza fiskalean aurreikusitako baldintzak bete beharko dituzte ibilgailuen eta garaje edo parkinen titularrek.

3. artikulua

Hobaria aitortuko zaie hiri-eremuan egon (5. artikuluan zehazten den eremuetan soilik) eta katastroan garaje edo parkin erabilera duten finkei, baldin eta ordenantza fiskalean eta baita erregelamendu honetan ere jasotako baldintzak betetzen badituzte.

4. artikulua

BERGARAKO UDALA

Ondasun higiezinaren gaineko zerga arautzen duen ordenantza fiskalean aurreikusitako hobariaren aplikazioa arautuko duen erregelamendua

Hobaria emateak suposatzen du ibilgailua ezin aparkatu ahal izatea garaje edo parkina dagoen gunean urte natural guztian. Dena den, garajea edo parkina dagoen gune horretan aparkatu ahal izango da zamalanak egiteko beharrezkoa den denboran eta gehienez ere 5 minutuz, edo TAOa dagoen gunean Araututako Aparkalekuen Udal Zerbitzuaren Ordenantzan aurreikusitako denboran eta bertan jasotako baldintzak beteta, TAOaren ordutegiaren barruan. Gainera, Araututako Aparkalekuen Udal Zerbitzuaren Ordenantzan aurreikusitako guneko biztanleen bereizgarria galtzea ekarriko du. Hau da, ez dira bateragarriak izango biztanleen bereizgarria eta ondasun higiezinaren gaineko zergan aurreikusitako hobaria.

5. artikulua

Hobaria aplikatzeko 6 gune bereizi dira.

Gune bakoitzak ondoren zehazten diren tokiak hartzen ditu bere baitan:

-HORIA : HEGOA: Ibarra, Ozaeta, Zubiaurre, Martokoa, San Antonio, San Migel, Eskusarte, Urteaga.

-GORRIA : ERDIA: Artzamendi, Mintegi, Espoloia, Toki Eder, Arrizuri, Martzial Agirre, Torrekoa, Ibargarai, Roman Oiarzabal, Zabalotegi, Ramon M^a Lili, Belanbide, Iparragirre, Justo Garate, Ortuibar, Zurradero, Herrilagunak, Irala, T. Aranzadi, Joan XXIII.a, Irizar, Kruz Gallastegi, Masterreka, Zubieta 2-4, Bidekurutzeta, San Pedro, Mizpildi, Basarte, J. Irazabal, Goenkalea, Komenio, Barrenkalea, Artekalea, Arruriaga, Burdiñate, Egin Mallea, Bideberri, Simon Arrieta, Fraiskozuri, Arrese.

-BERDEA : IPARRA: Zubieta, Mugertza, Madura, Sanchez Toca, Moiuia, Lizaria, Ernai, Boni Laskurain, Matxiategi, Ibaiondo, Fleming, Alkabieta, Oxirondo, San Martzial bidea, Kataibia, Urdangarin.

-URDINA : BOLUA: Bolua, Aranerreka, Koldo Eleizalde, Iriburu.

-MOREA : OSINTXU: Osintxuko hirigunea.

-LARANJA : ANGIOZAR: Angiozarko hirigunea.

6. artikulua

Prozedura honako hau izango da:

Baldintzak bete eta hobaria lortzeko interesa dutenek, eskaera urtero egin beharko dute. Urte baterako hobari-eskaera aurreko urteko abenduan egin beharko da Udaltzaingoaren aurrean. Epe horretatik kanpo ezin izango da eskaerarik egin.

Horretarako, Udaltzaingoaren bulegoan bertaratu beharko dira (San Martin de Agirre plaza 1) garajea edo parkina dagoen gunean aparkatuko ez duen ibilgailuarekin, eta aurkeztu ibilgailuaren zirkulazio-baimena eta kuota itzultzeko kontu korrontearen zenbakia.

Udaltzaingoak baieztatuko du ordenantza fiskalean eta erregelamendu honetan jasotako baldintzak betetzen direla —betetzen baditu—, eta ibilgailuaren aurreko kristalean dagokion pegatina jarriko du. Pegatina horrek identifikatuko du ibilgailu horrek aparkatu ezin duen gunea, eta udalari egoki irizitako beste edozein datu.

Gainera, aurretik jadanik ibilgailuak pegatina jarrita bazuen, baieztatu egingo du baduela pegatina; eta ez badu, ez zaio urte horretako kuotari dagokion itzulketarik egingo.

BERGARAKO UDALA

Ondasun higiezinaren gaineko zerga arautzen duen ordenantza fiskalean aurreikusitako hobariaren aplikazioa arautuko duen erregelamendua

Udaltzaingoak onartutako eskaeren guztien zerrenda prestatu eta eguneratuta mantenduko du; eta urtea amaitutakoan Kontuhartzaitzari bidaliko dio, honek urte guztian zehar baldintzak bete dituztenei kuota-itzulketa egiteko.

Eskatzaileak adierazitako kontu korrontera transferentzia eginda egingo da itzulketa hori.

7. artikulua

Urtean zehar interesatuak hobariari uko egin ahal izango dio. Horretarako idatzi bat aurkeztu beharko du Udaltzaingoan eta idatziarekin batera pegatina entregatu beharko du. Horrek suposatuko du hobari guztia galtzea.

8. artikulua

Udaltzainek ikusten badute pegatina jarri zaion ibilgailua aparkatu ezin duen gunean aparkatuta, txostena egingo dute.

Txosten horren berri emango zaio garaje edo parkinaren jabeari eta 15 eguneko epea emango zaio alegazioak egiteko.

Alegaziorik egin ez badu, edota egin eta udalak onartzen ez badu, hobaria galdu egingo du.

Lehenengo xedapen gehigarria

Kontraesanik balego erregelamendu honen eta ordenantza fiskalaren artean, lehentasuna izango du une bakoitzean indarrean dagoen ordenantza fiskalean jasotakoak.

Bigarren xedapen gehigarria.

Erregelamendu hau aplikatu eta interpretatzeko eman beharreko aginduak emateko gaitasuna Alkatetzari ematen zaio.

Aldi baterako xedapena

2014rako hobari-eskaerak egin ahal izango dira erregelamendu hau indarrean sartzen denetik kontatzen hasita 2014ko martxoaren 31ra arte.

Indargabetzeko xedapena

Erregelamendu hau indarrean jartzen denetik aurrera, orain onartzen den testuaren aurkakoak diren edo horrekin bat ez datozen maila bereko edo beheragoko xedapen guztiak indargabetuta geratzen dira.